

حروف في رثاء العترة

بِسْمِ اللَّهِ الرَّحْمَنِ الرَّحِيمِ

(أَمْ حَسِبْتَ أَنَّ أَصْحَابَ الْكَهْفِ وَالرَّقِيمِ كَانُوا مِنْ
آيَاتِنَا عَجَبًا)

صدق الله العلي العظيم

سورة الكهف ايه (٩)

الشكر لله تعالى

اسأل الله الذي اكرمني بمعرفتكم ومعرفة
اوليائكم ورزقني البراءة من اعدائكم ان يجعلني
معكم في الدنيا والاخرة وان يثبت لي عندكم قدم
صدق في الدنيا والاخرة .

الحمد لله اقصى مبلغ الحمد . الحمد لله على
ما باركت لنا يا الله في سعيينا والشكر لله على ما
رزقني به من الهام حتى جعلني اكتب هذه الابيات
التي تتحدث عن حكايا ال بيت النبوة الكرام وعظيم
مصائبهم .

الخادمة العلوية ام خالد

الى امير المؤمنين الامام علي (عليه السلام)

على فكدك دمعها العين ينصاب
دهر حزنك يبو الحسنين ينصاب
المثل شخصك يحيد شلون ينصاب
على يد كافر نذل وامه دعيه

(سورالاله)

وحكك سيدي لليوم ضلت تنزف الطبره
وابن ملجم لفانة يريد ويانه يعاود الكره
وحكك صومك صعب يومك
عظيمه قصتك كبره

يا حيدر ملائكة السما صاحت
يا حيدر اركان الهدى طاحت
وحكك صبرك صعب فكذك
زينب نادت بعبره

يا بوية اليتامى اليوم ملتمين يم بابك
ويصيحون يا كرار يريته صابنه الصابك
يداحي الباب على المحراب
كام الكافر بغدره

يوم تسعطش رمضان يوم مصاب ابو الحسنين
يوم الصباح المنادي وكع صايم عمود الدين
فـزـت والله على القبلـة
بـهـذا الـيوم الـك بشـرة

يا سور الاله شلون ركنك ينهدم سورہ
وخواطرنا ببو الحسنين لهذا اليوم مكسورة
عظم اجرک على صبرک
شخصک نادته القدرة

يا بويه لون ادري الصار اليوم يلفاني
جا صليت على المحراب وحظيت بطبرتك أني
خـذک مني وکثر وني
ظلت بالکلب حـسره

يـو الحسنين شـجـيـكـ بحـزـنـي الدوم يـجـدـد
مـصـايـب مـرـت عـلـيـه أظـن ما مـرـت عـلـي اـحـد
فـكـد اـمـي و ز غ ر ي تـمـي
مـصـايـب مـرـت بـكـثـرـه

اـجـه نـاعـي الحـزـن يـنـعـه سـمـعـتـه و طـارـت اذـهـانـي
عـتـابـي و يـه اـبـوي شـلـون بـهـذا الحـال خـلـانـي
و كـع حـيـدـر عـلـي المـنـبـر
يـبـويـه شـلـون عـلـم اـكـشـر

الى السيدة زينب (عليها السلام)

زينب من جفت صاحت يهلها
بعد ما بل الجفن دمعته يهلها
لخوها نضرت وذكرته جهلها
الدار البي تربو والزجيه

(غربة زينب)

شرايد من عندي البين يأخذ بهلي الطيبين
ناديتج يمه الزهرة انحب وبصدي العبرة
على حسين وهشمة صدره مرمي ويتفايض نكرة
ولعيااله يدير العيين

بين امي ويا ضي عيني عن من خويه توصيني
وحجاياتك تاذيني يا عمري وكل سنيني
غايب عني بهل الحين

زينب هل اليوم بحيرة وفاكدتك يابو الغيرة
وبحماكم عفت الديرة وراح امشي اليوم يسيرة
ويا الماعدهم دين

طبيت الديرة غاضر خايف كلبي ومذاير
ابجي ومكسورة خاطر واني ادري من ارحل باجر
لا عباس ولا حسنين

يوم الساكو مضعوني وعفتك يا نور عيوني
انكطعت يحسين ظنوني وصحتكم يلعفتوني

وعفناكم فوك الغبرة لاغسل ولا تكفين

يا ضنوة حيدر وينك موذر والنبلة بعينك
وجاتلني خوية ونينك كالو خوية مصوبينك
ومن جبدك ضل نصين

جيت اتعثر بجدامي وهمي الغاطيني الهامي
ومن شفتك واكع ضامي زادت يحسين الامي
صحت اهلك راحو وين

الكاع اهتزت من يومك من الحر عدمانه رسومك
وتتنازف خوية دمومك اكعد طولت بنومك
يبن الخيرة الطيبين

الى الامام الحسين (عليه السلام)

حده حادي الطعينة يريد لاوين
حرت ابجي يـبو السجاد لاوين
الزمن كلش شديد وياي لاوين
غدرني ولا رحم بـبن الزجيه

(مواساة الحسين)

بت امي لا تبجين وياكم اني حسين
اتفكد المضعون واسمع بجي اليبجون
وياكم اني حاضر تراني

خلصت عمري بالهضم والحركه
كل ساعه تشهك روعي مية شهكه

والنوب اجتتي يا حسين الفرکه
حاجيني خوية شلون لو طوح المضعون
ارحل يا تاني

ناديت خوية اكد صحت يبن امي
يحسين خويه شوف حالي وهضمي
بس الاطفال تحوم ضلت يمي
تبجي وتهل العين وتنشدني عن حسين
متحيره اني

تعنيت صوب المشرعة بحزاني
وردتك يخويه تكوم تتاكاني
وعلى الشريرة تكطعت ذرعاني
لا يسره لا يماي كطوهن على الماي

وضايت اعاني

غـدروك خويـه محـد تـلاكـة وياك
جـيـمـان كلـها فـركـتها بـيـمـناك
وبـسـهم غـادر خـويـة صـوب عـيناك
بـسـهم صـاب العـين مـن صـحت خـويـة حـسين
خـلـني بـمـجـاني

ودعتك الله وارد اروحن يحسين
ومدري زماني ابعـدني عنك لاوين
تمنيت حيدر كون حاضر هالحين
وينظر حال السجاد مـن مشـه دروب ابعاد
ومـقـيـده انـي

الى الامام العباس (عليه السلام)

يخويه لا نصر عدكم ولا عون
وبعد ما هيد بين امي ولا عن
اخوية القطعو اجفوفه وله عين
انطفت كدام اخوه ابن الزجيه

(حيرة الكفيلة)

زينب نادت العباس ما انه اختك يبو النوماس
شلون تعوفني وحدي غريبة بين قوم ارجاس

شلون تعوفني وحدي ما انه اختك يبو الغيرة
عزيزة اني عليك ادري شلون تعوفني بحيره
غريبة نزل تدريني وماندل بهل الديرة
متحيرة ومهزومة يخوية بين كوم ارجاس

وصلت يمك بحسراتي ولكيت الراية مكسورة
لصوب المشرعة تعنيت اتعثر ومذعورة
صحت صوت وطحت بالكاع يا عالي وكع سورة
شفت مكطعه زنوده ويمه السيف فوك الطاس

صحت بصوت يا عباس سمعني وكال هذا انه
يختي للخيم ردي مهوه حسين برجانه
تبلغينه عذر مني ولسكنه البقت عطشانة
وكليلة انطفت عيني وصوبني عمد بالراس

اجيتك شايلة همومي وعيني دموعها نثار
ادور عليك واتمنه فده روعي الك تتدار
يفرحة خاطري المكسور يضمنة حيدر الكرار
حزن كلبي يبو فاضل وحزني عليك ما ينقاس

يا هيبه وعضيد حسين شح بيك الزمان شلون
يمرجف كلوب الكوم منك كلهم يخافون
يمن عودك تفاخر بيك ولشدة كربلة مدفون
يوم الحملت عنكم شبكت العشرة فوك الراس

كلي على المصاب شلون ييو فاضل الروح تهيد
اذا عنكم غصب رحنه يخوية والمسار بعيد
يلي غيابكم حزني وملاككم صباح العيد
ياهيبه وكمر عالي وشلون الكمر ينداس

هنيالة اليضل مولاي خادم دوم للعترة
بشفاعتكم تحضرونه ابدنياته وبكبرة
وبيوم المحاسب ذاك يريد الخادم تحضره
يوم التظهر الزهرة وطالب بجف عباس

الى مسلم ابن عقيل (عليه السلام)

(غدر السفير)

انفكد والد حميدة اخو حسين وعضيده
يومك صعب جتال طحت ابولية انزال
الكل منهم مشه بفكره اليريده

صحت وسفه على الصار
اجت من مسلم اخبار
اندهت وينك يكرار
غدر غدرو بديار البعيدة

حميدة تهمل العيين
نظره وشافها حسين

نشـده لـ يش تبجـــــــــــــــــين
كالتلة العوض بيك اذا ابوي الفجيده

لمسلم لـكت وتحله القياده
شجاع وماردت موت الوساده
كلهم حصالت ثوب الشهاده
اخذته برغبته وبكل عقيده

هزمها فلـول بالقوة العنيفه
واجل محتوم جدامك لكيتـه
كالو فاضت انفاسه الشريفه
كفو للدين طـاح اول شهيده

وصل للكوفه ما ينـدل نزلها

مراسيل وكتب جته من اهلها
كلها اذايرت من طب بطالها
مثل البرق من يكبل رعيده

ذكرك دوم بباقي ومانعوفه
وابد ما تنسي عملت الكوفة
من طلعت كفر كامت تحوفه
ما عافو لمن قطعو وريده

الى الامام زين العابدين (عليه السلام)

(حزن العليل)

علي ساك الظعن بحزن والام
واخذ بيده العقيلة وحرم وايتام

يحماني الظعينة ويأك اخذني
يعمه من اخوتي انقطع ضمني
اخوي الجانبني ماضن يردني
وارد من كربلاء ميسورة للشام

يو محمد يعابد يسـموناك
بتت راعع ولا غمضن عيونك
اذا عنا يعمه يسـالونك

ويشوفون راس حسين جدام

يحمائي الحرم يا زين العباد
راح امشي بسفر بدروب الابعاد
اضن ذاك الفرح ماضنه ينعداد
ويرد حسين الي وعمك الضرغام

يذخري وفرحتي لليوم مذخور
يعمه احمل بعد يا حزن يا جور
هدم حيلي وهضمني الجرة بعاشور
خلاني انسبي بيدين ضالام

وكفنه على الهزل ونريد الوداع
ردت اختم حياتي وتخلص بساع

ارد خسـرانه كلشي والامل ضاع
واذكرها المصيبة وحرك الخيام

بدرب الشام عنكم من مشينه
اجر ابـونتي وروحي الحزينة
صحت عمه البطل عباس وينه
اله اشتاقت الروح وكلبي محتام

ياجدك علي حامي الحميه
واماك فاطمه الزهرة الزجيه
تحضرني سيدي بوكـت المنية
وتوكـع سيئاتي وكل الآثام

الى علي الأكبر (عليه السلام)

(شيخ المراجع)

يا علي يا شبیه المصطفی بید کفار نورک من طفہ

انه رایح للحرب تدريني
شلون عني تروح ياضي عيني
ادري هل موقف صعب ياذايني
واماك تعاين عليك وخايفه

انه ادريبك اسد وربات الابطال
وادري منك تنهزم كل الرجال
روح بيني تحرسك عين الجلال
وانه اطوفن بين زمزم والصفه

ارد اصيح بصوت وانده يا علي
كتله يالرديت يوسف رد علي
رد الاكبر يمه كومي هلهلي
رجع بدر التام كل ضني اختفه

ام علي تناديك يمه يل الولد
خاف عني تروح ما ترجع بعد
يضل حزني عليك يمه للابد
اباب المخيرم تتطرك واكفه

(وداع الاحباب)

صحت وينك يحماي الحمية تراني بضيج كوم الحك عليه

يبويـة محيـره والهـم ولأني
لخـوتي ودعت واني بمكاني
سلاسل من رحلت حطوا بديه

على التـربان عفـناكم يهانـه
وعنكم هل مشه وابعـد ضـعنه
نومـه على الرمل بالغضارية

ياعبـاس ياكافـل ضـعوني
ردت يـمـاك يخويـه ويمنعـوني

ويضربوني واضل اشكف بديه

صحت بصوت يا حبابي فكـدتكم

بديه لو يصح ضللت يـمكم

اموتن وانـدفن بالـغاضـريه

راسك على الرمح وتباري الضعون

تنظر على اطفالك لا يضيـعون

راسك عـالـرمـح وتـصد عـليـه

على الناكه واصيـحـن خويـة يحسـين

اودع بالاعزاز وتهمل العـين

وامشي ميسره وي ابن الدعيـة

أريد بخدمتك أختي حياتي
تحضر سـيدي بساعة مماتي
تحضرني بالمنـازع والمنـية

الى مولاتي فاطمة الزهراء (عليها السلام)

(الم المصيبة)

تهد الحيل ونات الزجيه من كامت تون وكت المنية
اجوها اولادها يكعدون يمها وشبكها واحد او واحد يشمها
يكلها ارسومج الكافر عدما اشو عنج سكت حامي الحميه

بجت زينب بواجي طفل مهضوم تهدم حيلها وماتكدر تكوم
وهي تهل الدمع صاحت يكلثوم خل انودع امنه بهل المسيه
حسين يكل الي وي امي اعتاب اشو ما خبرتتي بدفعة الباب
عينج تنسطر والظلع ينصاب وحيدر مارضه يعوف الوصية

ما ينحمل يومج يام الحسين رحتي من وكت لاوين تردين
يالعمرج ولا كمل العشرين صعبة عليج سكرات المنية

زينب من صغر جتها المصايب ودنيا شكثر راوتها العجايب
تروح الكربلا دار الغرايب وي الروس محتوفه وسبيه

يحمي الحمه معاتب يا كرار صعب هجمو على فاطم الكفار
حرمه بدارها واولادها صغار حركو دارها اولاد الدعية

احلفنج يغاتي بدفعة الباب تحضريني بالمنازع والحساب
يوم الانسئل ما يحضر اجواب يحره دخيلج توصين بيه .

(شهرين الحرام)

شهرين الحرام انعرفن من حسين وصارن من خيار الشهر ينعدن
مثل اضحى ومثل رمضان فضلهن صار ينحسبن

وفضلهن من مصيبتهن بعد شوف الليالي شخذن وشودن
شسولف عن خوات حسين من صار الوداع وصارن يودعن
غدن يتوسلن بالليل بلكي تطول يا ليل الحزن والون
الصباح لاصبح عاينه بحرم واطفال نتمحن
يبقه حسين بالحومة وسيوف العدة تنسن
الكوم تريد ابو اليمه يضل مطروح ما يدفن
وعلى جسمه تدوس الخيل شجم مره بكفرهن راحن وردن
لمن جبريل صاح الله واكبر والعرش اذن
تعنت زينب وكاثوم على اخوهن كامن يدورن
ومن وصلن لأبو ليمه يكومن ساعه ويعثرن
لكنه على الثرى مذبوح خواته كامن يلطمن
وسمعن صوت ابو اليمه بعد ما صاحن ونن

ناداهه بضعيف الصوت يختي على السفر عزم
يخويه جلدي وصبري شاء الله ان تسب
بيت امي وياج يروح راسي على الرمح منسن
تركبين الهزل يختي طويل الدرب ويعثرن
يخويه ولا رفكتي الكوم حزن ما يريد لا تبجن

من اراضي كربلة للشام ولا بن زياد تتودن
بين امي شفت لوعات على بالي ابد يحسين ما خطر
بس كلي اروح انه وتضل مطروح شلون اجدامي ينكلن
شحبلك يخويه من نوينه ارحيل الفواطم كامن يحنن
ومن ساك الظعن وتقدمو بالراس بناتك كامن يسألن
لوين يريد حادينيه لهذه نريد للمسكن
وما ندري الزمان شلون عاينيه كدر وتمكن
حراير تايهه بهل الجول مالهن ملاذ وجن
هجم بيت الزمان شلون يتفـنن
يخلي اعزازها يذلون ويخلي انذالها يعلن
مادري النوايب ليش ويه ال النبي يقسن

اطفال وحرم ضلّت تحت السوط يتلون
جاوين البطل عباس خل يلحك يشوف الحرم ينضربن
تقبل شيمتك يا حيد بنات حسين يتأذن
رقيه فوك راس حسين وافاهـا الاجل غصبا

هوسات

قاسم ياشـجاع الكـوم يردونـاك
وانت ابن الحسن كلهم يعرفونـاك
رغم صـغرك ولاكـدرو يكـمـونـاك
تقدم ياـضرغام تـقدم هذا اليوم مواعد بيـه

عفيه ام البنين الجابت العباس
شهم والله وشجاع وبـي تشيل الراس
هجم هجمه وكلبهه الراس فوك الراس
رد لحسين بزوده وداس برجله صفوف الكوم
للشيعة جاب الخبر ناعي الحزن مشؤم
كاللهاسيد البشر مات بسجن مسموم
ياهو اليخبر هله خل تحضر بهل اليوم
خلص حياته بسجن ومن الضوه محروم

وكته بعباده كضه وما غمض جفنه بنوم
باع الدنيا ونال الدين تتوع طيب العابد

انهدم باب المدينه وطاحت اكتاره
يمصباح الهدى المتكاملة انواره
يو حسين المنيه وياك محتاره
يالماغفت عينك تفكد الجوعان
تاخذله الطعام وتوصله الدار
يجيدوم المعارك بالحرب معروف
يالمنك عدوك تاهت افكاره
شلون الموت يحكمك وانت الترهب حتى الموت

ياقاضي الجلاله ومعذل الميزان
ابوحسين الصميده وموش ياهو الجان
حرمة يعوز صومك ما كمل رمضان

غدر بيك المجوسي خلفة الشيطان
شلون الكافر صابك وانت انعرفك داحي الباب

هاتف بالسماء كبر وبسمك صاح المنادي
يحمي الصراط شلون تجرى عليك المرادي
الك يم العرش منزل والك بارض النجف وادي
شلون الكافر صابك واحنه نعرفك داحي الباب

مبروك الشهاده عليك والجنة الفزت بيها
يالمرجف كلوب الكوم تفر من تكبل عليها
بمصابك مالت الدنيا واهتزت مبانيها
الكون اهتز لمصابك كلها الدنيا تتوح عليك

وحكك من رحت للماي لطفالك ردت منه

شرد حتى الفرات وعنك اتدنه
يكول شلون طب عباس وين انطي الوجه منه
اتعذر بيش اتعذر ما قدرته بجربة ماي

لو سولفنه عن عباس لغز ما نكدر انفسره
وذا عن الكرم والجود بحر يتفايض بغيره
بطل ساعات المنازل عدوك تاه تفكيره
يحير والله يحير ماخذ زوده من الكرار

هلا بالجباب اخوته ومعتني للموت
انه ادرييك شجاع وع المناية تفوت
حريمة نور وجهك ينطفي بتابوت
حل وكت الملاكه وطاحت الطاغوت
اسمك يحسين الباقي مخلص ويذكره التاريخ

هل يوم اربعينك صار يابحر العلم والجود
حريمة بغيبتك مولاي يضل باب الكرم مسدود
حزينه شيعتك وتكول هم بيك الزمان يعود
انت بالحرب معروف مثل شخصك فلا موجود
حتى الجن ايهابك انت الواصل ليه للغار

صدك لو وصفوك بهاي بطل كرار مو فرار
انت البلحلم معروف شكر صبرك بحرك الدار
تكدر بيهم اتسوي الي صار والما صار
جا بيهم تسوي فنون وتخلي فلولهم طشار
متعب الدنيا ابصيرك وانت افعالك ما تنقاس

منوعات

يزينب بـيش اجيتي وبـيش رديتي
كلبت القوافي منين ابدي وياج وحق جدج يغاتي تعجز قافيتي
انتي مو مره تتحسب سبع ازلام والمجلس الطاغي بيوم طبيتي
حجه حيدر بدالج خطبتج بالشام انتي ولا وصلاتي ولا تدنيتي
انتي محجبه ومحد لطولج شاف قران الجلاله البي تغطيتي
تخطيتي المسافات بحزن والام والكبر ابو اليمه اليوم رديتي
شكلتي من وصلاتي اليوم يم حسين انتي والزجيه من تلاكيتي
رحتي للكفيل بلوعة الملهوف شكم ونه يزينب يمه ونيتي
يمن فدوه رحت لتراب رجل ام عون انتي والسباية البيه رديتي

هالليلة مصاب الطاهرة الحرة ريحانة محمد فاطمة الزهرة
عند الله عظيمه طيحتج بالباب وابنج والضلع والعين والسطره
الج ماتم حزن بكلوب المحبين نصبه الفاتحة وقاري الحزن يقرا
نتربه يفاطم لابنج الموعود يجي يزورج يغاتي وقبرج يظهره
ويشيدلج صرح كدام عين اعداج ويبينيلج ضريح ومسجد وحظرة

علي يوم الشدايد ليك نتعنه
تشكينه وابشروا تكول ابد ما تعتذر منه
علي الموجود بالإنجيل الطوايف سولفت عنه
علي لو ردت اسولف بي احير شلون اوصفنه
علي معروف يوم الهول قسيم النار والجنه
علي بكل المعارك حيد ابد ماوصلو الفنه
علي يخوف الفرسان كلها تشاردت عنه
علي رباك ياللعون وزاده الكبرك منه
ترا يدري تغدره تريد ولموته راح وتعنه
انت الصبحت ماثوم وهوه الفاز بالجنة

فاطمه اليوم ابفكدها نعزي امير المؤمنين
بالحرب اربع ضياغم قدمت دون الحسين
نعجز بوصفج يحره شما نكول مقصرين

والدة عباس هاذي اكرام اهلها ماصلين
وابنج الزاجي حليبه فده بروحه للحسين
بالحرب ماخطه سيفه بين مكتول وطعين
والله خوش اسباع جبتي بالبطولة مجربين
منين نبدي من المصايب الضلع لو كتل الجنين
خل نقارن ياهو الاصعب بين عباس وحسين
العين طفاها سهمها لو اشد قطع الوتين

هذوله اهل الحقد من دفعو الباب
من بيت الرسالة انشالو اثنين
من فاطم وابنها اهتزت الكاع
يكتل مو سهل موت الرياحين
وكع روح الرسالة بعتبة الباب
ومن طاحت الزهرة وشافها حسين
داحي باب خير ليش ما كام

يـرد ثـار الزجـيـه وسـطـرة العـين
شـما دارت سـنـه وانـعاد المـصاب
وحـك ضـلعـج يـغـاتـي فـلا نـاسـين

عـلى فـكـدك دـمـعـها العـين مـنـهـال
يـالجـفـك لـهـاي الخـلـك مـنـهـال
عـلى شـخـصـك يـغـوث التـرب مـن هـال
طـفـه نـورـك يـبـن شـمـس البـريـة

اضل خدامه الك يحسين اذا عدله اضل اكتب
بس لو تمت تعذرني زحمه الواحد يجذب
من اذكر كربله والكوم ولون المعركة اليرهب
بس اذكر فعل عباس وحصده بروسهم يعجب
ذبحهم مثل ذبح الشاة وندهم وين المعزب
تجنه وكام اخو زينب مثل روج البحر يجلب
رجل بالكاع خلاهم ورجل بسروجها مجلب
تتخه وتعب الفرسان مثل حيدر اذا يغضب

الفهرس

الى امير المؤمنين الامام علي (عليه السلام)	٥
(سور الاله)	٦
الى السيدة زينب (عليها السلام)	٩
(غربة زينب)	١٠
الى الامام الحسين (عليه السلام)	١٣
(مواساة الحسين)	١٣
الى الامام العباس (عليه السلام)	١٦
(حيرة الكفيلة)	١٧
الى مسلم ابن عقيل (عليه السلام)	٢٠
(غدر السفير)	٢٠
الى الامام زين العابدين (عليه السلام)	٢٣
(حزن العليل)	٢٣
الى علي الأكبر (عليه السلام)	٢٦
(شيخ المراحل)	٢٦
(وداع الاحباب)	٢٨

٣١	الى مولاتي فاطمة الزهراء (عليها السلام)
٣١	(الم المصيبة)
٣٣	(شهرين الحرام)
٣٦	هوسات
٤١	منوعات